

ጳውሎስ ጋላቲያ አሳስ ፃፊዳ ኪታ ጋላ ቆፋ

ዮሴፊ አሼይሳ ጊዴይሳ አዲያ ዎንጌላ ቃላይ ዱማ ዱማ ቤሳን ሳባኬቲን፣ አይሁዴ ጊዶና አሳይ አማኒ አማኒ ቢያ ዎዴ «ኪሪስታኔ ጊዳናው ሙሴ ሂጌ ፖላናው ኮሺዬ ኮሺኔ?» ያጊያ አይሾይ ኢሲፌ ዴንዲስ። ሄ ዎዴ ጳውሎስ፣ «ኪሪስታኔ ጊዳናው ሙሴ ሂጌ ፖላናው ኮሺና፣ ዮሴሳን አራሳ ዴያ ዴማናው ኮሺያ ዋናይ አማኖ። አሳይ ያሳ ሲንሳን ሂላናው ዳንዳዴይ አማኖ ፃላላን» ያጊዲ ታማርሲስ። ሺን ጉሳ ኢሲያን፣ ጋላቲያ አውራጃን ዴዲያ ዎሳ ኬሳን ዴዲያ አሳ ጊዶን፣ «አሲ ያሳ ሲንሳን ሂላናው ዮሴሳ አማኖ ፃላላ ጊዶናሺን ሙሴ ሂጊያካ ፖላናው ኮሺስ» ያጊዲ ጳውሎሳ ቲሚርቲያ ጳልቲያ አሳቲ ዴያሶና።

ጳውሎስ ጋላቲያ ማፃፋ ፃፊዳይ፣ ሄ ባላ ቲሚርቲያን ጨሜቲዳ አሳ ቲማ አማኑዋኮኔ አማኖ ዴዑዋኮ ዛራናሳ። ጳውሎስ ዮሴሳ ሃዋሪ ጊዴይሳ ቲላይዲ አዶ አይኪስ። ኢያ ሃዋሪ አሲዲ ፃጊዳይ አሴ ጊዶናሺን ያሳ ጊዴይሳኔ ኢ ኪቴቲዳይ አይሁዴ ጊዶና አሳስ ጊዴይሳ ቆንጨሲዲ አዲስ። ኢያራ አይሴሲዲ አሳይ ሂላናው ዳንዳዴይ አማኖ ፃላላና ጊዴይሳ አዴስ። ዉርሴሳ ሽምፖታን አማኖ ዴያይ ዮሴሳ አማኖን ቤንቲያ ሲቆፔ ፑልቴይሳ ጊዴይሳ አዴስ።

ጋላቲያ ኪታ አይፌ ቆፋታ

- ጌሎ ቆፋ 1:1-10
- ጳውሎሳ ሃዋራቴሳ ማታ 1:11-2:21
- ያሳ አዶ ኬሃቴሳ ዎንጌላ 3:1-4:31
- ላዓቴሲኔ አማኖን ዱሱ 5:1-6:10
- ኩሻ ቆፋ 6:11-18

¹ አሳፔ ዎይኮ አሳ ባጋራ ጊዶናሺን ዮሴስ ኪሪስቶሳፔኔ ኢያ ሃይቆፔ ዴንሲዳ ያሳ አዋፔ ሃዋሪ ጊዳና ሜላ ኪቴቲዳ ታ ጳውሎስ፣ ² ታራ ዴዲያ አማኒያ ኢሻቲ ኡባይ፣ ጋላቲያን ዴዲያ ዎሳ ኬሳታስ ኪቲዳ ኪታ።

³ ያሳይ ኑ አዋይኔ ኑ ጎዳ ዮሴስ ኪሪስቶሲ ሂንቴው አዶ ኬሃቴሳኔ ሳሮቴሳ ኢሞ።

4 ሃ ኢታ ዎዲያ፤ ኑና አሻናው፤ ኑ ሦሳ፤ ኑ አዋ ሼኔን ኪሪስቶሲ ኑ ናጋራ ጊሾ ባና አሲ ኢሚስ። 5 ሦሳስ ሜሪና፤ ሜሪና ጋካናው ቦንቾይ ጊዶ። አሚን።

ቱማ ዎንጌላይ ኢሲኖ

6 ኪሪስቶሳ አዶ ከሃቴሳን ሂንቴና ዩጊዳ ሦሳ አጊዲ፤ ሃራ ዎንጌላኮ፤ ሂንቴ ኤሌሲዲ፤ ዋኒዲ ሲሚዳኮ ታና ማላሊሴስ። 7 ሂንቴና ባሌሳናውኔ ኪሪስቶሳ ዎንጌላ ዎቢሳንው ኮያ ጉሳ አሳቲ ዴዎሶና፤ አቲን ቱማ ዎንጌላይ ኢሲኖ። 8 ሺን ኑና ጊዲን ዎይኮ ሳሎ ኪታንቾ ጊዲን ኑኒ ሂንቴው ኮይሮ አዲዳ ዎንጌላ፤ ዱማቲያ ሃራ ዎንጌላ ሂንቴው አዲያ ባ ጊዲኮ፤ ኢ ቃንጌቲዳባ ጊዶ። 9 ሃይሳፌ ሲንሴ ኑኒ ጊዳይሳዳ ሃዲካ ዛራዳ ጋይስ። ሂንቴ ኤኪዳ ዎንጌላ፤ ዱማቲያ ዎንጌላ አኒካ ሂንቴው አዲኮ ሄ ኡራይ ቃንጌቲዳባ ጊዶ።

10 ያቲን፤ ታና አሲ ናሻና ሜላ ኮያይና? ዎይኮ ሦሲ ናሻና ሜላ ኮያይና? ዎይኮ ታ አሴ ኡፋይሳናው ኮያይና? ታ አሴ ኡፋይሳናው ኮያባ ጊዲኮ፤ ኪሪስቶሳ አይሌ ጊዲኬ።

ጳውሎሳ ዩንቴሳ

11 ታ ኢሻቶ፤ ታ ሂንቴው አዲዳ ዎንጌላይ አሳ፤ ጊዶናይሳ ሂንቴ ኤራና ሜላ ታ ኮያይስ። 12 ታው ሃ ዎንጌላ ዮሱሲ ኪሪስቶሲ ቆንጨሲሲ፤ አቲን አሳ፤ ኤካቢኬ ዎይኮ አሲ ታና ታማርሲቤና።

13 ታ ካሴ አይሁዴ አማኖን ዴዲያ ዎዴ ዋና ዴዲዳኮ፤ ሂንቴ ሲዲዴታ። ታ ዎሳ ኬሳ ቃዴይ ባይና ጎዳናውኔ ዳይሳናው ባዴታስ። 14 አይሁዴ አማኖ ናጎን፤ ታ ዎዴን ዴዲያ አይሁዴ ኢሻታ፤ አዳይስ። ኑ አዋታ ዎጋስካ አዳዳ ሚሼታይስ።

15 ሺን ታ ቡሮ ታ አዮ ኡሎን ዴዲሺን ሦሳይ ታና ዶሪስ፤ ባ አዶ ከሃቴሳን ታና ዩጊስ። 16 አይሁዴ ጊዶና አሳስ ዎንጌላ አዳና ሜላ ሦሳይ ባ ናዓ ታው ቆንጨሲዳ ዎዴ ታ አዴራካ ዞሬታቢኬ። 17 ዎይኮ ታ፤ ሲንሴ ሃዋሬ ጊዲዳይሳታራ ጋሄታናው ዮሩሳላሜ ባቢኬ። ሺን ታ ካሴታዳ አራቤ ቢታ ባስ፤ ሄሳፌ ሲማዳ ዳማስቆ ካታማ ያስ። 18 ሄዥ ላይሳፌ ጉዮ፤ ጳዲሮሳራ ጋሄታናው ዮሩሳላሜ ባዳ ኢያራ ታማኔ ኢቻሹ ጋላስ ኡታስ። 19 ሺን ጎዳ ኢሻ ያይቆባ፤ አቲን ሃንኮ ሃዋሬታ ቤዓቢኬ።

20 ታ ሂንቴው ገሬይዳይሲ ዎርዶ ጊዶናይሳ ሦሳ ሲንሳን ሂንቴው ቆንጨሳይስ።

1:13 ሃ.አ 8:3፤ 22:4-5፤ 26:9-11 1:14 ሃ.አ 22:3 1:15 ሃ.አ 9:3-6፤
22:6-10፤ 26:13-18 1:18 ሃ.አ 9:26-30

21 ሄሳፌ ጉዬ፥ ታኒ ሶሪያ ቢታኔ ኪልቂያ ቢታ ባስ። 22 ዩሁዳን ዴዲያ ዎሳ ኬሳ አሳይ ታና ቤዲዲ ኤሪቦኮና። 23 ሺን ኤንቲ፥ «ካሴ ኑና ጎዲያ ኡራይ፥ ሃዲ ሄ ኢ ዳይሳናው ኮያ አማኑዋባ ሳባኬስ» ያንይሳ ሲዲዶሶና። 24 ሲዲዳ ኡባይ ታ ጋሶን ዎሳ ጋላቲዶሶና።

2

ሃዋሬቲ ጳውሎሳ ኤኪዶሶና

1 ታማኔ አይዱ ላይሳፌ ጉዬ፥ ባርናባሳራ ዛራዳ ዩሩሳላሜ ባስ። ሄ ዎዴ ቲቶ ታራ ኤካዳ ባስ። 2 ዎሳይ ታው ቆንጨሲዳ ቆንጨሳን ያ ባዳ አይሁዴ ጊዶና አሳ ጊዶን ታ ሳባኪያ ዎንጌላ ኤንታው ቆንጨሳስ። ካሴ ታ ዎዲዳ ዎሳይኔ ሃዲካ ታ ዎዲያ ዎሳይ ሃዳ ጊዶና ሜላ ጋዳ ካሌሴይሳታ ዱማ ሺሻዳ ኤንታው አዳስ። 3 ሃሪ አቶሺን፥ ታራ ዴዲያ ቲቶይ ጊሪኬ አሲ ጊዲኮካ፥ ቃፃሬቶ ጊዲ ኡንዲሲቦኮና። 4 ጊዶሺን፥ አማኒያ ኢሻታ ዳኒዲ ኑ ጊዶ ጌሊዳ ኢሶቲ ኢሶቲ ኢ ቃፃሬታና ሜላ ኮዩዶሶና። ሄ አሳቲ ኪሪስቶስ ዩሱሳን ኑስ ዴዲያ ላዓቴሳ ዎቺዲ ቤዓናው ጌማን ኑ ጊዶ ጌሊዲ ዛሪዲ ኑና አይሌ አሳናው ኮዮሶና። 5 ሺን ቱማ ዎንጌላይ ሂንቴናን ሚኒዲ ዳና ሜላ ኑኒ ሃሪ አቶሺን፥ ጉሳ ዎዴስካ ኤንታው ኩሼ ኢሚቦኮ።

6 ሺን ሃላቃ ዳኒያ አሳታ አናቴሳይ ታው አይኮካ ጊዴና። ዎሳይ አሳ ሶምዎ ቤዲዲ ፐርዴና። ሃ አሳቲ ታ ማርካቲያ ዎንጌላ ቦላ ጉጂዳባይ ባዋ። 7 ሺን ጴጊሮሲ፥ አይሁዴታስ ዎንጌላ አዳና ሜላ ዎሳይ ኢያው ሃዳራ ኢሚዳይሳዳ ታውካ አይሁዴ ጊዶና አሳስ ዎንጌላ አዲያ ሃዳራ ኢሚዳይሳ ኤንቲ ጉዩፕ ቤዲዶሶና። 8 ሂዛ፥ ጴጊሮሲ አይሁዴታ ሃዋሬ ጊዳና ሜላ አሲዳ ዎሳይ፥ ታካ አይሁዴ ጊዶና አሳስ ሃዋሬ ጊዳና ሜላ አሲስ። 9 ቃሲ ቱሱ ዳኒዲ ቤንቲያ ያይቆቢ፥ ጴጊሮሲኔ ዮሃኒሲ፥ ታው ኢሜቲዳ አዶ ኬሃቴሳ ቤዲዳ ዎዴ ኑራ ኢሲፊዳይሳ ቆንጨሳናው ታ ኩሺያኔ ባርናባሳ ኩሺያ አይኪዶሶና። ኑኒ አይሁዴ ጊዶና አሳኮ፥ ቃሲ ኤንቲ አይሁዴ አሳኮ ባናው ጊጊዶሶና። 10 ኤንቲ ኑና ሚንሲዲ ሃዳራ ጊዳይ፥ ኑኒ ማንቆታስ ቆፓናይሳ። ካሴካ ታ ሄሳ አሳናው አሞቴይስ።

ጳውሎሲ ጴጊሮሳ ቲሚርቲያ ጳልቂስ

11 ጴጊሮሲ አንዎኪያ ካታማ ዩዳ ዎዴ ኢ ባሊዳ ጊሾ ታኒ ኢያ ሶምዎን «ኔኒ ባላዳሳ» ጋስ። 12 ያይቆቢ ኪቲዳ ጉሳ አሳይ ያናፕ ሲንጴ ኢ አይሁዴ ጊዶና አሳራ ሜስ፥ ሺን ኤንቲ ዩዳፕ ጉዩ፥

2:1 ሃ.አ 11:30፣ 15:2 2:6 ዛሬ 10:17

«አይሁዴ ጊዶና አሳፔ አማኒዳይሳቲ ቃፃሬታናው ቤሴስ» ጊዶ አሳስ ያዩዲ ኤንታሬ ሻኬቲስ።¹³ ቃሲ ሃንኮ አማኒዳ አይሁዴቲ ጴጊሮሳ ሃኑዋ ካሊዶሶና። ሃሪ አቶሺን፣ ባርናባሲካ ኢያ ቆፋን ጎሼቲስ።

¹⁴ ሺን ኤንቲ ዎንጌላ ቱማቴላን ሱሬ ሃሙቶናይሳ ቤዓዳ፣ ጴጊሮሳ አሳ ኡባ ሲንሳን፣ «ኔኒ አይሁዴ ጊዳሼ፣ አይሁዴ ዎጋሶ ጊዶናሺን አይሁዴ ጊዶና አሳዳ ዴዓሳ፤ ያቲን፣ ዋናዳ አይሁዴ ጊዶናይሳታ፣ (አይሁዴ ዎጋን ዴዒቱ ጋዳ ዎልቃታይ?) » ያጋስ።

¹⁵ ኑኒ ዩሌታን አይሁዴ፣ ሺን ናጋራንቾ ጊዲዳ አይሁዴ ጊዶና አሳ ሜላ ጊዶኮ።¹⁶ ሺን አሲ ዩሱስ ኪሪስቶሳ አማኒዲ ጊሌሲፔ አቲን ሂጌ ናጊዲ ጊሎናይሳ ኤሮስ። ኦኒካ ሂጌ ናጊዲ ጊሎና ጊሾ ኑካ ሂጌ ናጊዲ ጊዶናሺን ኪሪስቶሳን አማኒዲ ጊላና ሜላ ኪሪስቶስ ዩሱሳ አማኒዳ።

¹⁷ ኑ አይሁዴቲካ ኪሪስቶሳ ባጋራ ጊላናው ኮሼስ። ሄሳ ጊዲኮ ኑካ ሃራ አሳዳ ናጋራንቾ ጊዴይሳ ቤዎስ። ያቲን፣ ኑ ናጋራ አሳና ሜላ ዴንፎሴይ ኪሪስቶሳ ጉሴዩ? ኡባካ ጊዴና!¹⁸ ሂዛ፣ ታ ላሊዳይሳ ዛራዳ ኬጊያባ ጊዲኮ ታኒ ታ ሁዔን ሂጌ ሜንፎይሳ ጊዴይሳ ቆንጨሳይስ።¹⁹ ታኒ ዎሳስ ዳና ሜላ ሂጌ ባጋራ ሂጌስ ሃይቃስ።²⁰ ታኒ ኪሪስቶሳራ ማስቃሊያ ቦላ ካቁታስ። ታኒ ሂዛፔ ታው ዴዒኬ፣ ሺን ኪሪስቶሲ ታናን ዴዔስ። ታ ሃዒ ዴዒያ ዴዑዋ፣ ታና ዶሲዲ ታ ጊሾ ባና አሲ ኢሚዳ ዎሳ ናዓ አማናዳ ዴዓይስ።²¹ ታኒ ዎሳ አዶ ኬሃቴላ ሃዳ አሲኬ። ጊሎቴሲ አሳስ ሂጌ ባጋራ ቤንቲያባ ጊዲያኮ፣ ኪሪስቶሲ ጮ ሃይቁስ ጉሱ።

3

ጊሎቴሲ አማናና

¹ ሂንቲኖ፣ አኬኪ ባይና ጋላቲያ አሳው፣ ሂንቲ አይሬያ ሲንሳን ኪሪስቶሲ ማስቃሌ ቦላ ካቁቲዳ ሚሲሌዳ ቆንጨዲ ቤንቲስ። ያቲን፣ ቱማስ ሂንቲ ኪቴቶና ሜላ ሂንቲና ቤቲዳይ ኦኔ? ² ታ ኢሲባ ኤራናው ኮያይስ፤ ሂንቲ ጌሻ አያና ኤኪዳይ ሂጌ ናጊዲዩ ዎይኮ ሂንቲ ሲዒዳ ዎንጌላ አማኒዲ ኤኪዴቲ? ³ ሂንቲ ሄሳ ሜላ ኤዩ? ሂንቲ ዎሳ አያናን ዶሚዲ፣ ሃዒ ዎልቃን ፖላናው ኮዩቲ? ⁴ ሂንቲ ዎንጌላ ጋሶን ዳሮ ዋዩቲዳይ ሜሌ? ሄ ዋዩ ኡባይ ጮ ጊዲዴ? ⁵ ዎሳይ ሂንቲው ጌሻ አያና ኢሜይኔ ሂንቲ ጊዶን ማላታታ ኦሴይ፣ ሂንቲ ሂጌ ናጊዳ ጊሾዩ ዎይኮ ዎንጌላ ሲዒዲ አማኒዳ ጊሾ?

2:16 ማዝ 143:2፤ ሮሜ 3:20፣ 22

21 ያቲን፣ ሂጌይ የሳ ኡፋይሳ ቃላራ ኤቁቲዬ? አካይ፣ ጊዴና! ሂጌይ ኢሜቲዳይ አሳስ ዴያ ኢማናው ጊዲያኮ፣ ዊሎቴሲ ሂጌ ባጋራ ቤንታናሺን። 22 ሺን ዩሱስ ኪሪስቶሳ አማኒን ቤንቲያ ኡፋይሳ ቃላይ አማኒይሳታስ ኢሜታና ሜላ ኩሜሳ አላሜይ ናጋራስ ሃሬቲዲ ዴዔይሳ ጊሻ ማፃፋይ አዴስ።

23 ሺን አማኖይ ያናፔ ካሴ ሂጌይ ኑና ቃቺ ዎሲስ። ሄ አማኖይ ቆንጫና ጋካናው ሂጌይ ኑ ቦላ ጎርዲ ዎሲስ። 24 ሄሳ ጊሾ፣ ኑኒ አማኖን ዊላና ሜላ ኪሪስቶሲ ያና ጋካናው ሂጌይ ናፃ ናጊያ አሳ ሜላ ኑና ናጌይሳ ጊዲስ። 25 ሺን ሃዒ አማኖይ ዩዳ ጊሾ ሂጌይ ሂዛፔ ጉዩ ናፃ ናጊያ አሳ ሜላ ኑና ናጌይሲ አቲስ።

26 ሂንቴ ኡባይ ዩሱስ ኪሪስቶሳ አማኒዲ ያሳ ናይታ ጊዲዴታ። 27 ኪሪስቶሳራ ኢሲኖ ጊዳናው ፃማቁቲዳ ኡባይ ኪሪስቶሳ ማፃዳ ማዒዴታ። 28 ሂንቴ ኡባይ ኪሪስቶሳን ኢሲኖ ጊዲያ ጊሾ አይሁዴ አሳ ጊዶኒኔ ጊሪኬ አሳ ጊዶን፣ አይሌ ጊዶኒኔ ዎማኖ ጊዶን፣ አዴ ጊዶኒኔ ማጫሳ ጊዶን ዱማቴሲ ባዎ። 29 ሂዛ፣ ሂንቴ ኪሪስቶሳባ ጊዲኮ ሂንቴ አብራሃሜ ዛሬ። ያሳ ኡፋይሳ ቃላዳ ሂንቴ ላቴይሳታ።

4

1 ታ ጌይሲ ሃይሳ። ላቴይ ናፃ ጊዲ ዴዒሼ፣ ሻሎ ኡባይ ኢያባ ጊዲኮካ፣ ኢ አይሌፌ አይኮካ ዱማቴና። 2 ሺን ኢያ አዋይ ጊዳ ዎዴይ ጋካናው ኢ ሃዳራ ኤኪዳይሳታ ኩሼኒኔ ናጌይሳታ ኩሼን ዴዔስ። 3 ሄሳዳካ፣ ኑኒ ናፃቴሳን ዴዒያ ዎዴ አላሚያ ዎጋስ አይሌቲዲ ዴዒዳ። 4 ሺን ዎዴይ ጋኪዳ ዎዴ ያሳይ ሂጌፌ ጋርሳን፣ ማጫሳፔ ዩሌቲዳ ባ ናፃ ኪቲስ። 5 ኢ ሄሳ አሲዳይ፣ ሂጌስ ሃሬቲዲ ዴዔይሳታ ዎዛናውኔ ኑና ባ ናይታ አሳናሳ።

6 ኑ ያሳ ናይታ ጊዲያ ጊሾ «አባ፣ አዋው» ጊዲ ዳጊያ ባ ናፃ አያና ኑ ዎዛና ጊዶ ኪቲስ። 7 ሄሳ ጊሾ፣ ሂዛፔ ኔኒ ያሳ ናፃፔ አቲን አይሌ ጊዳካ፣ ኔኒ ኢያ ናፃ ጊዲኮ፣ ያሳ ላቴይሳ ጊዳዳሳ።

ጳውሎሲ ጋላቲያ አሳስ ቆፒስ

8 ሂንቴ ካሴ ያሳ ኤሮና ዎዴ ያሴ ጊዶናይሳታስ አይሌ ጊዲዲ ሃሬቲዴታ። 9 ሺን ሃዒ ሂንቴ ያሳ ኤሪዴታ፤ ኡባራካ ያሳን ኤሬቲዴታ። ያቲን ፓሶናኔ ጎያና አላሜ ዎጋታኮ ጉዩ ዋኒዲ ሲሜቲ? ዎዲ ኤቁዲ፣ ዋኒዲ ኤንታው አይሌ ጊዳናው ኮዩቲ? 10 ዱማ ጊዲዳ ጋላሳታ፣ አጌናታ፣ ዎዴታኔ ላይሳታ ሂንቴ ሎይሲ ቦንቼታ። 11 ታና ሂንቴባይ ያሼስ፤ ታ ሂንቴው ጮ ዳቡራዲናሻ?

3:29 ሮሜ 4:13 4:5 ሮሜ 8:15-17

12 ታ ኢሻቶ፥ ታ ሂንቴዳ ሃኒዳ ጊሾ ሂንቴካ ታዳ ሃኒቴ ጋዳ ሂንቴና ምሳይስ። ሂንቴ ታና አይቢንካ ቆሂቤኬታ። 13 ታኒ ኮይሮ ሃርጌታሾ ሂንቴው ምንጌላ አዲዳይሳ ሂንቴ ኤሬታ። 14 ታ ሃርጌይ ሂንቴው ፓጩ ጊዲኮካ፥ ታና ሳሌቲቤኬታ፤ ኢዲቤኬታ። ሺን ታና ምሳ ከታንቾ ምይኮ ኪሪስቶስ ዩሱሳ ሞኪይሳዳ ሞኪዴታ።

15 ያቲን፥ ሄ ሂንቴው ዴዲያ ኡፋይሳይ ኡባይ አው ቢዴ? ሂንቴው ዳንዳዔቲዳኮ፥ ሂንቴ ታው፥ ሂንቴ አይሬያ ኬሲዲ ኢሚያኮ ኢያናይሳ ታ ማርካታይስ። 16 ያቲን፥ ታ ሂንቴው ቱማ አዲዳ ጊሾ ሂንቴው ሞርኬ ጊዳዲናዩ?

17 ሄ አሳቲ ሂንቴና ባንታኮ ዛራናው ኮዮሶና፥ ሺን ኤንታ ቆፋይ ሎዎሳ ጊዴና፥ ኤንታ ቆፋይ ሂንቴና ሻካናሳኔ ሂንቴ ኤንታው ቆፓና ሜላ አሳናሳ። 18 ሎዎባ አሳናው አሞቲኮ ሎዎ፥ ሺን ሄሲ ታ ሂንቴራ ዴዲያ ምዴ 9ላላ ጊዶናሺን ኡባ ምዴ ጊዶ።

19 ታ ሲቆ ናይቶ፥ ኪሪስቶሲ ሂንቴናን ሚሲሌታና ጋካናው ዩሎስ ማጫሲ ሚያቴይሳዳ ታ ሂንቴ ጊሾ ሚያታይስ። 20 ሂንቴባይ ታው ሃዲርሲ ጊዲን ታ ኡንዔታስ፤ ሃዲ ሂንቴ ጊዶን ታ ቤንታዳ ሽኔታዳ አዲያኮ አይ ሜላ ዶሳይናሺን።

አጋሮኔ ሳሮ

21 ሙሴ ሂጌን ሃሬቲዲ ዳናው ኮዩይሳቶ፥ አኔ ታው ኦዲቴ፤ ሂጌይ አይ ጊያኮ ኤሬኬቲ? 22 ጌሻ ማፃፋይ፥ «አብራሃሜስ አይሌፌሬኔ ጎዳቴፌ ዩሌቲዳ ናምዑ ናይቲ ዴዎሶና» ያጌስ።

23 አይሌ ናዓይ አሲ ናዓ ዩሊያ ማራን ዩሌቲስ፥ ሺን ጎዳቴ ናዓይ ምሳ ኡፋይሳ ቃላን ዩሌቲስ።

24 ሃ ማጫሳቲ ናምዑ ጫቆታስ ለሚሶ ጊዲዲ ኤኬቶሶና፥ ኤንታፌ ኢሲኒያ፥ ሲና ዴሪያፔ ዩዳራ፥ ባ ናይታ አይሌቴሳስ ዩላሱ፤ ኢያካ አጋሮ። 25 አጋራ አራቤ ቤታን ዴዲያ ሲና ዴሪያን ለሚሌታዳ ሃዲ ዴዲያ ዩሩሳላሜ ዳናውሱ። አይስ ጊኮ፥ ኢያ ባ ናይታራ አይሌቴሳን ዴዓውሱ። 26 ሺን ሳሎን ዴዲያ ዩሩሳላሜይ አይሌቴሳን ዴዑኩ፤ ኢያ ኑ ኡባስ አዮ። 27 ጌሻ ማፃፋይ፥ «ናቴ፥ ዩሎና ማይንሴቴ ኡፋይታ፤

ናቴ ሚያታ ኤሮናሬ ኢሊላ።

አዚናራ ዴዲያ ማጫሴፔ፥

አዚኒ ባይና ማጫሴስ ናይቲ ዳሮ» ያጌስ።

28 ታ ኢሻቶ፥ ሂንቴ ዩሳቃዳ ምሳ ኡፋይሳ ቃላን ዩሌቲዳ ናይታ። 29 ሺን ሄ ምዴ አሳ ማራዳ ዩሌቲዳይሲ፥ አያና ምልቃን ዩሌቲዳይሳ ጎዲስ። ሃቺካ ሄሳ ሜላ። 30 ሺን ጌሻ ማፃፋይ ምይጊ? «አይሌ ናዓይ ጎዳቴ ናዓራ ኢሲፌ ላቶና ጊሾ አይሊው ኢ ናዓራ

ዎላ ኪሳ ዩዳ» ያጌስ። 31 ሄሳ ጊሾ፣ ታ ኢሻቶ፣ ኑኒ ጎዳቴ ናይታፕ ኣቲን ኣይሌ ናይታ ጊዶኮ።

5

ኪሪስቶስን ዴሚያ ላዓቴሳ

1 ኑኒ ላዓቴሳን ዳና ሜላ ኪሪስቶሲ ኑና ኣይሌቴሳፌ ኪሲስ። ሂዛ፣ ሚኒዲ ኤቂቴ፤ ዛሪዲ ኣይሌቴሳ ቃምባራን ጌሎፒቴ።

2 ታ፣ ጳውሎሲ፣ ጌይሳ ሲዒቴ። ሂንቴ ቃፃፊታናው ኮይኮ፣ ኪሪስቶሲ ሂንቴና ኣይኮካ ማዴና። 3 ቃፃፊቲያ ኦኒካ ሂጌይ ኪቲያ ኡባ ፖላናው ቤሴይሳ ጉጃዳ ታ ኦዳይስ። 4 ሂጌ ናጊዲ ሂላናው ኮዩይሳቶ፣ ኪሪስቶሳፕ ሻኬቲዴታ፤ ያሳ ኣዶ ኬሃቴሳፌ ኩንዲዴታ። 5 ሺን ኑኒ ያሳ ኣያና ባጋራ ኣማኖን ሂላናው ኡፋይሳን ናጎስ። 6 ሂዛ፣ ኪሪስቶስ ዩሱሳን ዴሚኮ፣ ሲቆን ቆንጩያ ኣማኖፕ ኣቲን ቃፃፊቲን፣ ቃፃፊቶና ኣጊን ኑና ኣይኮካ ማዴና።

7 ካሴ ሂንቴ ሎዖ ዎዪታ፣ ሺን ሃዒ ቱማስ ኪቴቶና ሜላ ሂንቴና ዲጊዳይ ኦኒ? 8 ሃይሳ ሜላ ኢታ ጩሞይ ሂንቴና ዩጊዳ ያሳፌ ዩቤና። 9 ሄሲካ፣ «ጉሳ ኢርሾይ ሙኑቃ ኡባ ዴንፊስ።» ጌቴቲዲ ፃፌቲዳይሳ ሜላ። 10 ሂንቴው ሃራ ቆፊ ባይናይሳስ ታ ጎዳን ኣማኔታይስ። ሺን ሂንቴና ቡቂያ ኦኒካ ያሳፌ ባ ፒርዳ ኤካና።

11 ታ ኢሻቶ፣ ታ ሃዒ ጋካናው ቃፃሮ ሳባኪያባ ጊዲኮ፣ ያቲን ታና ኣይስ ጎዶና? ሄሲ ቱማ ጊዲያኮ ኪሪስቶሳ ማስቃሊያባ ታማርሶይ ኣሳስ ጴቤ ጊዴናሺን። 12 ሂንቴና ቡቂይሳቲ ቃፃፊቴሳ ፃላላ ጊዶናሺን ባንታና ቃራቲያኮካ ታ ዶሳይስ።

13 ታ ኢሻቶ፣ ሂንቴ ላዓ ዳናው ዩጌቲዴታ። ጊዶሺን፣ ሂንቴ ላዓቴሳይ ኣሾ ኣሞ ፖላናው ሂንቴው ጋሶ ጊዶፓ፤ ሄሳፌ ኣሲዲ ኢሶይ ኢሱሞ ሲቆን ማዲቴ። 14 ሂጌ ኡባይ፣ «ኣሴ ኔዳ ዶሳ» ያጊያ ኢሲ ቃላን ቃሺቲስ። 15 ሺን ሂንቴ ኢሶይ ኢሱሞራ ሳዩቲያባኔ ሜቴቲያባ ጊዲኮ፣ ሂንቴ ዎሊ ዉርሶና ሜላ ናጌቲቴ።

ኣያና ዴዎኔ ኣሾ ዴዎ

16 ሂዛ፣ ታ ሂንቴው ኦዳይስ፤ ኣያናን ዴሚቴ፤ ሂንቴ ኣሾ ኣሙሞ ፖሎፒቴ። 17 ኣሾ ኣሞይ ኣያና ኣሙሞራ ሞርኬ፤ ቃሲ ኣያና ኣሞይካ ኣሾ ኣሙሞራ ሞርኬ። ኤንቲ ኢሶይ ኢሱሞራ ኢዪቲያ ጊሾ ሂንቴ ዶሲያባ ኦሳናው ዳንዳዔኬታ። 18 ሺን ኣያናይ ሂንቴና ካሌሲያባ ጊዲኮ ሂጌይ ሂንቴና ሃሬና።

19 አሾ አሶቲ ኤሬቲዳይሳታ፤ ኤንቲካ፣ ላይማቴሲ፣ ቱናቴሲ፣ ቃይዪ፣ 20 ኤቃ ጎይኖ፣ ቢታ፣ ሞርኬቴሲ፣ ካቺ፣ ቃናቴ፣ ሃንቆ፣ ባና ዶሶ፣ ቫኬቴሲ፣ ኢታ ቶቤ 21 ጌኔ፣ ማሶ፣ ዩሴኔ ሄሳ ሄሳ ሜላታ። ካሴ ታ ሂንቴው አዲዳይሳዳ ሃዲካ ታ ሂንቴው አዳይስ። ሃይሳ ሜላባታ አሴይሳቲ ዶሳ ካዎቴሳ ላቶኮና።

22 ሺን አያና አይፌይ፣ ሲቆ፣ ኡፋይሲ፣ ሳሮቴሲ፣ ዳንዳዓ፣ ኬሃቴሲ፣ ሎዎቴሲ፣ አማኖ፣ 23 አሽኬቴሲ፣ ባና ሃሮ። ሃይሳ ሜላባታ ኢዲያ ሂጌይ ባዋ።

24 ኪሪስቶስ ዩሱሳባ ጊዲዳይሳቲ ባንታ አሹዋ ኢያ ኢታ ቆፋራኔ ኢያ አሙዋራ ኢሲፌ ማስቃሊያ ቦላ ካቂዶሶና። 25 ኑ አያናን ዴዲያ ጊዲኮ፣ ኑና አያናይ ካሌሶ። 26 አኔ ኢሶይ ኢሱዋ ዩሎዩሼኔ ቃናቲሼ ሮጦ ጨቁቴይሳ አጎስ።

6

ኢሶይ ኢሱዋ ማዲቴ

1 ታ ኢሻቶ፣ ኢሲ አሲ ናጋራን ኩንዲኮ፣ አያናን ዴዲያ ሂንቴ ሄ ኡራ አሽኬቴሳን ሱሪሲቴ። ሺን ኔኒ ሄሳ ሜላባን ፓጩቶና ሜላ ኔና ናጋ። 2 ኢሶይ ኢሱዋ ዴዎ ቶሁዋ ቶኪቴ። ያቲኮ ኪሪስቶሳ ሂጊያ ፖሌታ። 3 ኢሲ አሲ አይኮይካ ባዋሺን፣ ባና ሃራታፕ ሎዎ ጊዲ ቆፒኮ፣ ኢ ባና ጨሜስ። 4 ሺን ኢሲ ኢሲ አሲ ባ አሱዋ ፓጮ። ሄሳፌ ጉዩ፣ ሃራታራ ባና ጋዴዩይሳ አጊዲ ባው ጨቁቴያባ ዴሜስ። 5 ኢሲ ኢሲ አሲ ባ ቶሁዋ ባው ቶካናው ቤሴስ።

6 ዶሳ ቃላ ታማሪያ አኒካ ሎዎባ ኡባ ባ አስታማሪያራ ቫኬቴስ።

7 ሂንቴ፣ ሂንቴና ጨዋፊቴ። አሲ ባ ዜሪዳባ ዛሪዲ ጫኪያ ጊሾ ዶሳ ቦላ ቁልቂሶፒቴ። 8 ባ አሾ አሙዋ ኩንሳናው ዜሪያ አኒካ፣ ባ አሾ አሙዋፕ ሃይቆ ቡጫና። ሺን አያና ኡፋይሳናው ዜሪያ አኒካ አያናፕ ሜሪና ዴዎ ጫካና። 9 አኔ ሎዎ አሶ አሳናው አዛሌይሳ አጎስ። ኑኒ አዛሎና ኢዲኮ ዎዴይ ጋኪያ ዎዴ ኑ ዜሪዳይሳ ጫካና። 10 ኑ ኢንጄ ዎዴ ዴሚኮ፣ አሳ ኡባስ፣ አሲዲካ አማኒያ አሳስ ሎዎባ አሶስ።

ዉርሴሳ ዞሬኔ ሳሮታ

11 ታኒ ታ ኩሼን፣ አይ ሜላ ጊታ ፒዳሌን ሂንቴው ዓሬዳኮ ቤዒቴ። 12 አሳ ሲንሳን ሎዎ ጊዲዲ ቤንታናው ኮያ አሳቲ ሂንቴ ቃፃሬታና ሜላ ኮዮሶና። ሺን ሄሳ ኤንቲ አሴይ፣ ኪሪስቶሳ ማስቃሊያ ጊሾ ኤንታና ጎዲ ጋኮና ሜላሳ። 13 ኤንቲ ሂንቴ ቃፃሬቲሳን ጨቁታናው ኮዩዲ ሂንቴና ቃፃሬቶ ጎሶናፕ አቲን ቃፃሬቲዳይሳቲካ ባንታ ሁዔን ሂጊያ ናጎኮና።

14 ሺን አላሜይ ታው ካቁቲዳይሳፌኔ ታኒካ አላሚያስ ካቁቲዳ፥ ጎዳ ዩሱስ ኪሪስቶሳ ማስቃሊያ፤ አቲን ሃራ ጨቁቲሱ ታ፤ ሃኮ። 15 ሂዛ፥ ቃፃሬቲን ቃፃሬቶና አጊን አይኮካ ማዴና። ማዴይ አራሳ ሜዴቲሱ ጊዶ። 16 ሃ ዎጋ ካሊያ ኡባሲኔ ያሳ ዴሬ ጊዲዳ ኢስራዬሌስ ሳሮቴሳይኔ ማሮቴሳይ ጊዶ።

17 ታኒ ዩሱሳስ ማዱንዲዳ ቤታ ታ አሳቴሳን ቶኪዳ ጊሾ ሂዛ፤ ታና አኒካ ዋይሶ።

18 ታ ኢሻቶ፥ ኑ ጎዳ ዩሱስ ኪሪስቶሳ አዶ ኬሃቴሳይ ሂንቴራ ጊዶ። አሚንዲ።

አራሳ ጫቁዋ ጎፋሉ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

